

北
碓
詩
集

共
四


七
之
八
九

止

末

共
四

特
8
1284
4



18
1284
4

北碕詩集卷第七

酬盤隱總餉園中之什

總餉園中賦詠佳
可曾誤指玉鉤斜
煙鬢闌戶青浮
五羽蓋亭雲綠護
花瘦竹引風留
客苑長江流月去
誰家暮天漾
隨潮展彷彿西興渡
口沙

舟中貽趙野雲之官三衢

笑君吟似飲中歌
缸貼清溪翠卷羅
夢枕熟時快畫
永午陰團影得涼
多官非奉禮寧如
賀家豈楊州舊
姓何試問柯川棋
一局不知曾爛幾
人柯

酬盤隱別駕七夕

水風池館濯明珠
兩袖澄鮮貯晚香
金注月波秋采



滿銀開星渚夜生涼素伶醉客陽辭酒纔就新題略
舉觴拙不可窮安用巧聽他乞得巧人忙

逆風○嘉定九秋季同竹巖下姑

劈面東風不肯西西州客子莫顰眉一從四國流言
後直至如今不反吹

野雲赴三衢酒宮

跌宕四十年吳霜變玄髮卓然所不變傲寒勇彌決
醉翰筆爲崇狂歌酒作孽煮字不療飢袖手不求熟
囊羞一簪直腰嫌五斗折狼飽千里肉豕臥半尋穴
菸菟道邊窟螻蟻夢中垓驥困黃泥阪駑踐昔金埒
臣朝漫詼詭侏儒笑明哲生女不生男跨竈亦超絕

安得徑尺蟬冠此半簪雪縣官嚴榷酤一官弗徒設
安知滌器時已有諭蜀節莫羨白頭吟自看柯山月

送湯少瞻見疎寮

而翁扣竹局拈出兩詩新涼柄駸子置秋繁隱之親
年勞須制勝日益是刊陳翰長洲源地川陰試問津

寄寬堂趙左藏

玉壺飲湖淥決背連雲根霜蟾駕飛轍萬頃秋不痕
懷哉壺中仙弗鑑行潦渾一衿洞冰澌三舍祛塵昏
玉桃句冷灑瓊佩經芳蓀騰擯書傳香鮮騰水花芬
愛閑受遠次負郭成荒村廣丈飯不足北海酒滿樽
弗春長熙之弗約常存之氣餒貴益賤道在卑逾尊

安知忘情地豈在炙手門只與白鷗說莫與俗子論

送范主簿

考績果何如三年上上書官箴小能大俸給少常餘
欵容壺觴靜尋僧水竹虛麥缸容借使石浦訪樓居

寄陳給事

別元龍了別西湖到得蘭陵二月初沈想金閨隨夢
熟楮書玉楮問安疎傍人燕子新巢小得友鶯雛煖
翼舒落落環中有餘地道樞旋幹看虛邪

送趙司理

未報金陵大闕書鵲聲猶自繞庭除若非尚德嘉同
姓應是菟材副所如寒日鷺洲千點雪舊時燕壘幾

番離江東可是無諸暮不記于豕有小子

送滿上座

文公住處兒時到尚記崔嵬紫翠聯隔岸土封劉氏
藁它山石刻杜陵篇天開雙闕凌飛霧經注千名富
近年倘有異時陳伯玉潛然為我作欣然

芙蓉盛開

賈霜稿百卉拒霜獨開花寒駟煖消落秋借春韶華
酣之羅珍姿表之駢翠葩晴雲剪新綺落日明丹砂
灑冷褪宿艷葉散摘零霞離騷比君子城扉藏仙家
二月三月時紅紫相矜誇西風一搖落亂委隨蓬麻
花中障頽瀾晚節禮有加芳潔以類從薰蕕分等差

梅追元氣回菊制暮景斜弗使四時氣斷續令人嗟

泣瓜圃翁應叟

不幸人誰免如公孰不嗟冊怜它姓子金潤別人家
行義窮尤著持身死不差寸田猶可圃圖蔓勿傷瓜

黃凝雲歸張公洞

洞在深雲裡仙畦茂藥苗偶隨山下水來泊寺前燒
澗冷長凝頰丹輕不墜瓢多應久離索老鬚各蕭蕭

寒泉赴梢建康辟

辟書纔下了節之闢擊音一日偶它適尺書煩重尋
以回浮雪棹來作訪僧吟夢草相忘地於君憶更深
醜盤隱別駕雪

臺空罷講經底事兩花零雞誤中宵白山迷昨日奇
槎牙渾欲死和煦便通靈怕壓疎三竹寒敲不忍聽

盤隱別駕修龜山祠

尚今貌人物振墜起先賢俸薄知難集財輕覺易捐
便成新氣象頓醒舊風煙樽節昌顏俗何心食萬錢

承天萬佛閣

觀史何年宮飛跨雙蛾眉又如聽經塔湧出踞地維
不然釣天人來下觀開隨去年曾此游入眼未始窺
西風一回首峭時凌煙霏璇題翬萬榻雕礎逾十圍
神速貌鬼工莫知爲者誰或曰金泉僧短髮霜披
信乎金吳地幻此一段奇曾中楚澤小簷外吳天低

舉手斗可捫縱脚雲可梯江窮水屈折港盡天吟哇
因知廣大量不爲狹隘移閣中優鉢花萬朵秋不萎
天子壽萬年一年開一枝

竹風亭

盡鉏菑翳了華構繞篔簹轟轟半蒼綠疎云六月涼
雪林聽響五粉節暈零霜話到楊州鶴無非俗肺腸

平江太守李寶謨移漕荆湘

荆溪溪上傳接吟使君賢行旅歸如市羈游亟受鄆
豐譙優郡計薄歛裕民天誰似山陰叟臨行贈一錢
不據喉衿地如何展壯圖一麾移使節三楚卽全吳
鸚鵡春常早貔貅信必孚不知坐上客更有禰生無

葛菴阻雪

城中勸醺接小泊在同涇竹已休教醉梅方暝得醒
山嫌時畫俗天滿古壺青怕有歸來鶴柴門夜不扃
天上花如席門前逕擁樵全葩不到地零帶謾齊罍
梅笑竹先裂栢隨松後雕燒痕漫滅盡黃獨更無苗

張笏翁赴浦江丞而喪耦言笏翁謝穫軒見寄

藍田廳壁記又向浦江鑄棋壘須延敵吟疆旋拓邊
鏡空鸞獨舞幌冷鶴先眠八詠弦難續麒麟角可煎
絕笑諸郎似乃翁笏翁又自去哦松林焚賞必先焦
額欲雨香非後土龍微調苦多忘惜日燮調傷煖不
成冬吳江短楫華亭月稱副莖壑藐禹鍾

正月初一酬盤隱陸別駕再雪得封字初三夜
釀遇風得涇字

前面滴未融密洒又重重半刺慶三白載歌賡四封
獵圍尋跡去唵思爲誰供沈想山陰夜來如去興濃
異二胡爲爾喧厖不可聽弗摧山陸地必靚渭成涇
囟俟東方白燈留冷幌青想應遵帝命弱水送飛齡

立春前三日雪

旦夕灰吹律連漪尚剪新雖正猶是臘差晚不傷春
夜戶凝朝彩生柴代熟薪老僧眉最白寒鎖玉津津
武進趙嘏松吐茹異流俗雪中與邦人頌而餞
之○明州人忘其名

自拔千尋俗瀾從砥柱回炎魃旱魃死涼似故人來
梅待春開眼歌催雪薦杯荆溪鏡纖悉是豈負承哉
立春前四日天大雷電以雨○王禹再黃州亦
有冬雷移於蘄州而死

霹靂如春雨似秋蘭陵冬夜憶黃州茂陵封禪期身
後恰三營成小竹樓

次薛叔載石泉韻

石泉曾未面泉石舊忘情不與滔三競常懷止三清
渭非涇醞藉貪是惡聲名目潔憐他濁憑誰吊屈平
惠山泉

源遠涵山錫風高遜田科論於前輩定重似別泉多

清泚停無滓扶搖盪不波澹交從古小如此一枯何

寄湖州故舊

夢憶湖州舊樓臺畫不如溪從城裡過人在鏡中居
閉戶防鷺鷥開窗便釣魚沈猶有雁弗寄一行書

次韻盤隱別駕偕抱獨作詩相勞苦

小奚雲錦重來地時與山人尉寂寥妃子墓前苔砌
綠風煙商略到前朝
逕繁蛇腹不嫌紆花蔓玲瓏畫不如太子布金祇樹
老一鉏無地可藏愚

代農答別乘勸耕

敢忘百拜與三行非賈非工只得畊傳不便民母助

長新非佛粟却休更驗今多是透扶曲考古無非直
勝橫只把襦歌徵別乘不從諫議問蒼生

守令丁寧在必行女當如織子知畊課春蠶務從三
月聽夏雞聲起五更吠澮滿時晴日上枯樺俯處候
雲橫請疎征省家才給便買詩書教後生

菊圃之宜興兼簡趙長官

伯氏如文舉何煩仲氏書山陰溪上棹灞岸雷中驢
荆豈無閑地居仍有弊廬看家老猿鶴渠不爲貧疎

閏月三日即事

星曆新傳笑無人重講明日中陰似夜春半冷如正
柳欲眠還醒花猶染不成燕歸多日了猶自未聞鶯

橫山王八伯丹井

殿陰旣甃古汲何瓦爐煎甘拊惠山背列瓦廉谷肩
還丹非內外餘瀝尚清漣莫問井中影盍窺天地先

寒食

纔見苑簷柳條便知寒食是今朝春應不恨相尋
晚應恨常陰一半消

翟園

廷尉園池傍柳塘自攜魏紫訪姚黃問它濯錦江頭
路共漢梁王醉幾場

黃雀兒隨玉屑栽兩行珠翠一般開桃花火似玄都
觀曾却仙都譜系來○前朝有貴女子欲昌翟姓其

家力辦遂止

寬堂趙左藏江子

廣寒秋思苦桂實最芳枝既失鸞膠助寧忘獼髓醫
彭於殤有間蒼與吳安知不獨天難問人間更問誰

盤隱別駕別造楊龜山祠堂拜奠於三月既望
道洛疏伊斲在茲度溪浦發振荒祠人心未泯倘知
勸事力雖殫豈憚為清似山陰修禊後煖於沂上詠
歸時熊羆祥叶期豐報應有兩康別駕兒

張別駕饒州之任

絮飛無跡送行舟春樹江雲共獻酬國子先生為太
守○林大博清之同之任 碧山學士作監州晴開

廬阜微茫曉籟狹芝山污漫秋華月光風在懷袖同
吟同歎莫鴻溝

林國博自興化軍得饒州

盍綴蓬仙向上斑烹鮮不鄙作州難醉眸尚帶壺雲
碧○興化軍壺公山 吟筆疑翻壁浪乾名著金閨
方善下春生玉樹不知寒明年金榜登科記莫把尋
常舉送看○范文正公知饒州全榜過省

慈感寺蚌珠尊者閣新成

部勒溪山勝橫陳壓麗譙老蟾棲峭峙飢唇吐宮堯
蘋潔翻波碎塵紅到岸消蚌珠方廣士瘦影落清苕
夜泊三高亭

萼絲繡膾如不施歌散雖工又帶譏墻壁平時俱有
耳莫嗔鷗鷺往來稀

趙昌折枝芍藥

韶光欲盡伴荼蘼收拾華風在一枝不惜丹鉛和露
寫惜它姚魏不同時

醜盤隱別駕

出門騎無驢擬馬剛風騎問之何因爾蜚度弱水涯
弱水三萬里風煙接蓬趾仰止蓬山雲青紅濕窗几
煌三華玉枝采三黃金芝瀝零濯鮮好歸來賦三鳴

搗紙

萬杵不爲輕丁寧玉汝成忽聞敲月響誤作搗衣聲

整之雲添薄方之雪更明沈思過秦手古恨滿箋生

趙宜興計至

千緒亂紘今才整得清泉羞廉不污鏡笑醜嫌明
方聽棠陰頌俄傳薤露聲半規華月老問之又東生
百里寄豐凶休仍與戚同小心三日婦宏略九年弓
犢用刀償價人疑蔀發蒙來年花滿縣何似去年社

次韻郡博士賀龜山祠新成

經術修明可保邦凜然冠佩陳堂堂競傳溪上諸賢
聚漸得門前一水香疎剪新篁看抱節誅鋤惡莖或
侵墻美輪羨與從人頌潛德雖幽愈耿光
蕭瞻老屋話因依再振工夫豈浪施學士賤秦麒安

出老天祚宋鳳來儀崇儒允叶休明運溢美宜刪賦
詠詞弗待文興自今古源源未必不由茲

業從師授巧無師孟子何曾負子思華月不從修處
缺景星還自望中垂偽從所惡生成黨判日持方不
中規欲扣兩端今已矣忘言獨與故吾期

劉練師歸綿州

椽署生賢夢君生幾歲知江圍帝子閣蘼暈海棕詩
鈇豈無成日節須有化時怕揮天寶泪話浴莫如池
○謫仙王環歐公同生綿州

荆山劉成道相遇

繫缸敲竹戶剝豕異常聲燈醒夜來喜猿因晨起驚

葵英和露熟雲子與秋明恨殺西風急如何駐水程

張公洞

仙蹊九地更深層捫磴板崖謝瘦藤候徹鼎芽抽蕤
蕤滴殘鐘乳綴稜々詭形象物疑成怪處處存神喚
得售惆悵石驢鞭不起弗如雞犬解驚騰

白馬金砂洞

準擬朝食洞口霞更窮泓碧漲桃花可曾石鐸瀦成
玉多是金邊揀得沙符說有靈尋漢篆人因鑑止見
胡麻依稀似入天台路不屬劉家與阮家

善拳洞

一山三洞幽兩洞碧通流龍占層淵洄魚憑四足遊

遠舒雲際望涼愜水邊留更卜重來約巖前石啣頭

祝英臺基在善拳寺後

作奇男子事博約訪名流只似深閨住爰從斷東求
因低延月入幌冷為雲留只好尋斑謝泉臺約雅遊

何監官雲凹

凹處移將凸處填悠々填滿亂山顛是中自有從龍
便勿謂春風不偶然

吳秀州自通判即真

鄉來風月渺鴻溝已屬而今第一流九轉可曾圖速
効雙旌何足嘆遲留暫紆青緩宣新化應對黃花動
古愁倘有無人耕處地欲投瘦策問菟裘

九月十四日日壽二

九月明朝望思親到鶴鴒不曾生日醉未必死時醒
有命羞同甲無錢喜放丁六千三萬夕款曲度殘零
簷外無多地秋芳以類從負喧存愛敬趨課策疎慵
句月酬閑燕留雲備綴縫莫言太早計吾欲御玄冬

送鄂渚秋官陳伯奇兼東阮廣文

榮如李郭舟小爲蜀僧留江漢渺何許琴書占上游
貪程人易別勞勸酒難酬黃鶴風煙古何曾怕攪搜
相士雷舌

盡道雷無舌雷無舌可乎不曾藏霹靂又自笑暗鳴
菊減霜前馥筠添雪後腴莫同姚魏看姚魏望秋殂

王司理之官南徐

南徐非古徐或云古徐州鄉來徐州物亦有大耳劉
手攜紫髯生分踞很石簪不知何所籌楚醪和獻酬
石無一日轉各有千年留石很不足道人很寧弗廖
君椽南徐官盍爲南徐謀誠開金石堅德舉毫忽轄
鄙薄久自化強橋終當柔乎反惟厥中此外吾何求
君家老鄉月威惠半九疇悠然豁斯道何與諸郎由

宋賢良見過○二十韻

莫登百尺樓豈無湖海豪莫揮北海尊豈無老風騷
風騷隨霜葉鄭衛壯虎牢齷齪勝宏放昆吾避鋸刀
競利贖奇貨遇士轄纖毫安其款段馳不使鸞鵠高

弱羽與微類聚族喧林臯殘粒酬渴飢墮葉爭爬搔
忽乘吹送起遂記蔭翳翹因風不知反墮地寧肯
顛頓失故步悲叫尋叢蒿擊搏恐不免彈射安得逃
仰窺扶搖翮俯媿腹背毛美人隔秋水煖靄明春袍
訪舊渙上寺泊我寺外濠開端問或鼠欠及銘瘞
整窮與壯老指摘仍繹繚王石體自異瓊類寧容
清評盍用怨白戰惡足鑿試請避三舍大昭方載橐
寄石龜翁總幹
龜靈詩亦靈鐵甕渺江城爆得風騷兆鏗爲琬琰聲
看如容易得吟却最難成只有蘭陵月知余入細詩
高教授計至○炎

競俗奔奔急潛窺却步難退知藏用密居得秉彛安
有襪常番著無弦敢廢彈謝城空冷帳回首一沅瀾

陸別駕解組

小平容赴愬無枉不相關契託今州牧官同舊筍班
強情吟未盡樂府載將還况是平分手新聲課小蠻
蒸提幹卜居

另兒曾中奇忍作懷土羞冒榮復素食矧乃羞之尤
謾令兒女曹欣戚相喧啾東家新買隣百萬未易酬
鄰人何人斯百萬捕博儔婁叱九折馭朗吟三破秋
結客盡羣玉稅駕半九州庀存萬問志資之三徑謀
長沙與吳會豈必真菟裘濯足門前溪泛月溪上舟

有客其唵嘯有書同校讎有時鼓瑟琴亦復飛觴籌
論士笑浮俗得失令人愁重官不重名不約常相侔
鄉來飛將軍渠豈不足侯名落天地間迥覺天地道
謬戾紛如蟻千古衆楚咻至今謬與賢涓與涇殊流
高名獨不死天地同悠悠

續鐵鑪步志寄平江太守

惟虛不競實薄俗崇虛名豈其鄉來實虛謙今日成
因依鐵鑪步自昔聞題評橐籥廢已久百鍊餘晶
大而亟牛鼎小而割雞刃刀也玉如泥雖也囊脫穎
箕裘既失緒族屬庸振領區區欲就鑄水滸方接軫
譬彼趙善戰奢枕狼虎秦括也讀父書言外欠發明

奢死括駕趙兩眼空無人全提四十萬一窖埋長平
括固不足道謬甚用括者用名弗核實鑄錯敗良冶
襄時闔閭城呻吟滿四野忽聞襦袴歌一日變風雅

歌太湖迂常守王寺丞○君保

伊誰量大湖三萬六千頃天圍幾何寬滿湖不畦畛
或疑湖底天可田箋天亟問縣官請况復周家有成
法盡底均作八家井鯨鵬蛟鱓俱幽屏藻荇蘩爲禾
黍穎公田利與私由準坐令虞芮俗化作而伯境野
田無失聲夜厯亦小驚晏眠早作日以寧已輸再輸
毋曼征循良在上如西京媚長牙爪俱遠

機舟黃叔向部綱南徐

三頌淒涼後今誰抱膝吟有人皆肉食無舌變臬音
穎脫三千客囊空四萬金孤舟猶繫岸江碧柳陰陰

柳

江春欲到最先知次到南枝次北枝不信樓頭觀綺
旋嫩金勻徧去年絲
奈爾縈晴帶雨何靜時常火動時多初無惱亂春風
意却是春風惱亂它

贈製香蠟茶者

玄質團團王不如翠鈿小切試昆吾文園病酒文君
老盃薦芳甘淪道腴

周漕泊舟寺前

見說淮東使者歸耄鯢都作小兒啼暫閉綠野停鴻
鵠小俟青冥驟馭馭度外二三皆勝策曾中十萬未
全提浯溪尚有斬天石頌德歌功儘可題

金山

彈壓奔鯨障怒飛削成峭峙不分支自簷滴外水爲
地於海潮中石湧坻蜀浪昏肥浮棹急淮雲曉濕度
江遲中冷一滴清如玉弗與滔之混濁移

不占南徐地遙分北固天削瓊標巨浸堅壁下長川
城柝偏遙夜淮烽直近堧建炎天子聖翠輦到層巔
秋塘陳敬父挽章

百尺樓頭臥傍無一寸梯談知秋鬚苦豪壓暮潮亘

白璧羞瓦甌青絲老馭駉不能回晚照相與就刀圭
卽事

一點春深燕子泥卷簾不起燕歸時牡丹又逐朝霞
散亟課殘經更不知

石龜解字可山

城中闕寸碧益遠益難真簷外開荒壘天涯見似人
驟觀雖小有側看亦橫陳蠟屐隨川賊幽尋謾苦辛

於督張長官榮上

昨嘒峰前古子男禹家喜氣接浮嵐許曾蛻俗今留
跡坡爲尋僧傳駐驂養志不違宜膝下去天差近似
城南明年一縣花如錦日日春風伴燕酣

米知縣之官建平

凜然晉宋美風姿又似君家古少儀劇縣一經名輩
作春江州與白鷗宜盤根小試難藏利剖竹喬迹勿
復疑雞犬相聞纔隔岸日邊書到欲先知

酬勝主簿

帆開得便風從事果何從研滑磨穿底毫銛賈勇鋒
三千篇謾與十四字休封歲晚論交地由來淡勝濃

張令人誦經

沈思何處雨花零彷彿靈山會上曾木媿後來成佛
女宛如前輩在家僧翳花去眼空無帶若玉勝春瘦
弗稜相伴靈椿歲寒操共看兩幹又傳燈

荆山

隱不知山淺端如璞在荆草滋皆玉色松籟作江聲
莽之嫌吟俗滔之笑渭清莫將雲錦橐容易小能名

劉母墓

怒虎跑雲此處傳到今知是幾何年一彎碧似回珠
浦數曲青藏瘞玉田彤管旋添今日史白華何補鄉
來篇諱辭盡出騷人社行橐猶能得細詮

次且興謝長官借榻韻○謝魏王家孫

桂帆來迓新邦伯不與郵亭計短長舊習澹如黃閣
老騷情閑寄碧雲房空濛得處花生筆灑激斟時月
滿觴想見客羶寒不寐自將宿火撥殘香

胡子安見漫堂

一與慈湖別懷君十五年衣曾知密付人不是虛傳
氣若凌秋爽詩成指日僊相逢卯金子應有碧雲箋

贈皓律師

皓也昆尼學精於玉帳嚴蟻酣停掃砌燕乳記勾簾
茶鼎敲冰煮花壺瀝水添夢回池草綠忍踐綠纖之

寄徽州謝使君密齋

新安產最良引類赴文房太守五四友管城三二王
水分千里月春滿六州棠丹穴皆鮮羽叢霄看頡頏
孫氏封禪碑如國俗呼國碑

折裂金刀地三分得一分于戈未莫枕封禪已刊文

符瑞規前謬勳勞詫後聞水中龍欲下矯首蜀江濱
修玉樓

故郡樓居者宜州大史家浦寒雲掩鏡研冷筆生花
月砌亭亭玉風籟獵獵牙合簪酬大雅一戰霸淫哇

漲水嘆

去年水爲祟數州害田稚今年逾去年低陌吞高阡
天時查難度耕者虞溝壑問天如何其天空無磴梯
蒼然不可詰試詰天所司之方責公田皇暇恤我私
率先盈因倉又欲豐盛染長呼天不聞問司胡不思
反裘惜奇蟲裹盡蟲孰資司云心是豐凶本帝哀爾
氓亂方寸遂令腐爛不可支甚若秦皇齊威尸佞士

矯誑至於此天橫傷殘乃其自濤翻天上第一禪所
感召者誠宜然或譏浮圖事吟殘法當勿用浮圖言
少陵琳琅千萬篇留人間者百不一亦師粲可縛禪
寂不知此詰何從出

胡子安荷花

出水依稀帶露痕米毫羞澀媿旌能細思語不經人
道指遜安州食密僧

聞沈宏父計

雲裘未換貂鬚已幾莖彫璞美宜穹售樓成或下招
生無金潤屋死有玉蕃苗欲酥余不土天漿弗滿瓢

晚牧圖

寸繩尺筮亂山深
節制安知豎子心
老子看牛如相馬
微蒞淡墨賞邊音

贈吳兄仲孚

策慵推病枕
刺字忽來前
未說名瓜子
先傳姓口天
鴻蜚煩送日
蛩響動唵肩
窮與窮相值
秋風已颯然

蟠松

肯爲人低首
非因米折腰
曲何慚九地
直恐礙叢霄
雪虐如擎重
風酸不怕搖
喬林多裂幹
弗後歲寒彫
泣姜貧樂謝
長興長趙可齋

葬近陳朝檜
傷心絕筆吟
家餘乞米帖
囊盡擲鞋金
語戇貧難屈
名羶死弗沉
王孫種花縣
何似古藤陰

金盡驕驪死
交遊散似雲
五窮豚不去
百拙巧難分
竹喧梅疎友
鷗隨鷺吊羣
未銘先傳散
勒徧雪川濱

仁壽敬行可開兩池日雙照

照與照者影
沈蹟絕爾如何
其自起途轍
傍晚語我
毋庸疑倚榻
爲我賦兩池
謂言物物皆
吾詩絕憐思
苦搞弗滋
不忍汚此清
漣漪不然
小需載生
魄碧潌
不搖皆玉色
一池各有一
眉新眉間
喜氣浮津
津愜然散作
無邊春
輾輪半仄
腫三蘸明
透方方
兩團鑑
更徵此
義吾無說
莫問清池
問明月

吳江塔寺登閣觀太湖

十華藏海藐
泮蹄便作泮
蹄爲物移
富貴不須開
帝

網只開萬頃碧玻璃

雪

集霰夜才分續霏曉更零未乘風洒之先挾雨冥之
凶失三更黑山無一寸青有虹非剡權誰去扣吟肩

聞杜子野計

嘉泰開禧後人傳伯仲文續綸空掌制草檄謾從軍
楚塞沉秋警江雲黯暮曛舊題湖上石蘚暈濕苔紋
○没於王事

問傅菴海棠消息

光風欲透錦燕脂數點晴已快薦奇惆悵一雙新燕
子年年不見未開時

紅雲煖壓草玄池宮燭傳榆夜更奇空掩沉香亭北
恨玉環宿酒未醒時

讀賈太傅傳

諸君先生檢未言一言中的已先聞守成大子恭沈
默不妬多功重少文
七日平城戒覆車不容年火係單子用賢勿貳君知
否不用何須歎不如

趙都廂見過

彷彿巴東縣空橫盡日虹晴占收麥候寒似養花天
嵐濕囚紗重雲明幌楮鮮商星與參子相別動經年
訪葉海塩不值

綠葉未暹春正遲看之雪煖開茶蘼丁寧密意謝紅
藥倚角緩放韶華歸一芳一菲尋版蕩更無可破狂
瀾漲惠風迤邐素蒲葵約束涼薰小札讓棠梨雨褪
燕脂薦來禽効蟬相後先主人朝天未回羈軟紅沒
屢東華前飲湖山綠方頽玉水遠山圍南宕北起來
却憶故園春園中四時花木新詩人眉苦閑情破不
怕天知怕天瘦遂令真宰妬冥搜無人不恨古藤州
入邑阻風○二首
鬪風鷁退不欣飛還似當年過宋時又似雪舟人興
盡歸時却是順風吹
見時無事去還思往來參去不辭弗是山林傲軒

冕澹臺石請獨無私

長興長趙憲可說閩帥王方嚴逸事

勳業在青編貂蟬負雪顛魏科幾望月定見小回川
用小才嫌大時危德忌全上天尋白傳表海門蓬仙
心在方巖上天游委明先十連茂棠蔭一橐老釣天
濁水因珠潔清風被物鮮孤芳觀晚節善賈考初平
吟諫甘存拙文疎耻競妍鄭莊真好客王衍不言錢
謬我奚爲者煩公辱贈篇初無曇穎契終說頃斯賢
大雅皆傳響榜嚴未訖箋新阡小溪曲華玉及藍田

四明陵韓二佳友登科

龍虎榜頭千佛名亂山寸碧起雙明預吟新句雖三

首吳放臚傳第二聲得意馬蹄須款曲吐花兔穎弄
崢嶸平生兩眼人嫌白青為君家好弟兄盤隱昆弟
江上得書纔半月漕闈旋與計偕初荐聞得第喜何
似縱不嗣音曾弗疎別院苦難憑有助大廷賈勇可
無餘首呼名氏須相報雁若慵來亟遣魚

盤隱巫猿

寸土如寸金恩殊惟蓋深病思罹穽日死恨出林心
殘椽停朝賦空焚絕夜吟六囚呼不磨雲冷月沉沉

張公洞得響石

漢張燒煉處切得一痕雲土蝕燻金液苔皴截鐵文
響非弦晚雜清浣俗紛紜袖裡東溟小羅浮不足云

酬盧玉堂

溪友弗來過幽棲欠濯磨眼亂嫌睡火竹醉惜移多
雛燕駢爭乳慵鶯噤弗歌囚低雲不掃零亂儘從它

陳襄陽歸長興

玉帳擁貔貅朝天爽借留勳庸收素定江漢耻橫流
傳有當時癖池無暇日游貂蟬倘來耳又見出塊螯
巾子山前寺曾分華頂薇去尋龍首約因此客兒歸
白羽精戎律黃金緩帶圍孔融傾座處西望幾斜暉
○公目求嘉訪莫魁回

頃別駕計臨

清約筋骸別雲泥俗肺腸酌會廉不污鑑止醜難藏

真藥無錢買沉疴有死償若為千駟馬得似蕨薇香

玉樹曲

翠袖薄霞裾飄盈盈不動金步搖步搖金味翠翹王
只知今夕歡難足不知明日歡難續瑤姬自是能吟
女壁合知還舊廬度古菱花試小龍文雙鸞舞處亭
亭分

巫山高

陽臺晴霞煖生纈削玉六雙雲嵒嶮白塩赤甲秋未
零側樹歆巖妥鱗躩霧轂煙軒兩朱鳳紫瑤銀鑑碧
瑤轆轤飛不點几地泥之滓各諧螻蟻夢蘭臺詞客
詞詭奇諷微勸廣胡不思更欲張儀聘燕趙却嫌鄭

袖黃金火

蓮塘曲

錦帆涇淺花如玉苧羅女兒更明濟纖柔墜花映芳
臉綠皺不搖秋湛染嫣然鬪影一笑新笑花解笑不
解顰扁舟五湖一痕月照見顰吳更顰越

古鏡行

一奩古碧涵冷秋泓澄紺滑凝不流開奩拂拭辨欵
識認得軒轅在時事軒轅昔游廣寒殿取太陰精酬
百鍊問之妖蹤怪影消夜哭空郊曉奔竄菱花亂古
亦亂真識真考古今無人黃金寧可買不死難買張
華兩眸子

傅家林

樵斧響晴雷平林頃刻摧兔亡三穴狝猿弔一枝哀
乘梓思前輩松杉惜上林養林如養德木盍重栽
次韻鄭大參淨慈雙井

山展鳳膺仍斂翮東井碧通西井日井花婁欲策茶
勳長恨眼中無此客夔州病渴夜迢迢阿段透雲分
澹云○夔州連筒四五里引水入城 胡爲金錫卓
山泉小倚銀床問庭栢一杯盍爲龍象供數尋自是
蜿蜒宅萬斛滔々隨地出九地茫茫不須擇淺清盆
甃玉痕圓深淨鏡空雲影折江准行地目南北河漢
如人同血脉舉瓢高謝滄浪濁吹蕭去覓浮丘伯遂

令天水不違行洞明及象元同畫更將康谷細商評
一笑目知肩可怕

哀三城○并引

開禧至紹定幾三十年士不解甲殘虜假息
人擾亂我邊郵潼關以西如無人之境成守李
冲鳳守李寔皆名將種備禦有嚴不類家聲西
和守陳寅仲開禧總餉不受僞命咸之家嗣奮
仁勇於世家子苦戰無援偕二城死義壯其死
而哀之擬悲陳陶悲青坂賦哀三城以泚偷富
竊貴賣降致款非人類之類

歲逢虎牛禍折明蕩々蜀道猶可訝喉歟反正善其

言振槁拉枯徒爾勤初雖覆杯可撲滅終焉決海難
爲不智人三尺眼前暗明玉一玷磨弗晶因仍擾
不知了殘金欲地連韃人成功夙著冲與寡貂蟬貴
欲地鉞成孽成狐鳳鳥不度守有可死生無因兩公
氣節固相類又類射虎飛將軍西和寅仲出儒素聞
禧總餉先垂名太丘是父有是子衝樓跨竈前無倫
話頭講明有定見不與奸諂相凶循犬戎日衆我日
寡貔貅乍屈還乍信賀蘭飽鮮方醉醇蛟指不離南
霽雲慟哭秦庭不肯援存嚴玉帳無分兵借令空卷
可持滿飛已盡風中鳴二城父兄一時陷况復骨
肉懷親之有生必死之有所此死可羞尸素羣矜韻

銜略謾蠱之妬功嫉効徒逸之幸災之跡弗容掩不
掉之尾何足云鄉來益昌倡大義阿源流芳千載榮
勝天倘可恃人衆公道莫於行路聽後先忠節貫日
星野史孰愈良史真

九日寄宜興謝長官

射蛟溪上黃花酒灑氣浮溪靜弗瀾素羽已忘秋後
熱紫萸不怕夜來寒軫裁彫玉鳴焦尾屏掩涂金炷
博山步武日高吟自適何須鼓吹上層巒

苦雨

尺潦翻堦怒靄沙沈陰物物殞精華最憐萬畝傷禾
穎忘却重陽對菊花原上有苗皆委地水中無穗不

生芽占晴夜夜觀西北一縷何曾見暮霞

贈天台權上人

老荷紉綴晚秋前冷榻曾無坐客羶旋剪王蟲觀細
字欲分半芋且遲眠

箬溪樓製錦堂長興長官趙可齋新製

坂武弗欣低闌于拊哨魏霜鴻天外去簷翼水邊飛
勝踐西風老幽尋晚照微賀成先燕雀宏略在沉機
古製宜藏巧吾寧十日窺弗將肯鏡掩誰兆日鷗疑
雁驚方羣散置罟各自施悠然機杼別無媿召南思

大雄寺陳朝檜

託根陳土隋風煙送盡鯉魚蜚上天六駢度江又如

許老彭社櫟將齊年彭自有商觀五伯區之社櫟
爲者君乎幹老舊時天剛中紫鐵青銅堅一年一年
看妖妍年之死在秋風前輪因孤頂鸞停翼脫略
皮蛟露脊自古才難人弗惜江東酒壺澆柱石夜深
風雨卷潭湫霹靂一聲天地秋

月谿

光動羣陰斂腫之古岸斜緣空米碾霧分影壁沉沙
圓轉剛非缺虛靈淨弗暇修輪紛血指玉斧在山家

十月初三四雪

霰集三秋後花飛十月初更添兩度日併作一年書
稻曠齊生耳鄰出爛弗鉏寒敲君子竹壓折怕林疎

墨藕花

紅鋪不是芬陀利綠卷無非菡萏秋以色媚人寧壞
色不隨榮謝鏡中羞
西子湖陰錦捲雲水風池閣度暗熏影窺明玉生綃
薄分外精神一兩分

松圖

李懷仁畫雙龍後活在蘭陵道士家水墨工夫能幻
巧變成霜幹老槎牙
斷橋之西石橋北忘世忘年寄幽獨千仞千雲險絕
攀瘦影何時落橫幅

秋雨連冬雲寄常平使者王郎中

九月十月閏月雨陰晶陽采雲靈敷十旬朝夕漏潯
潯豈應漏處無人補準擬書雲須少霽破鏡上天猶
未已田家屋老半閒苑帶雨旋抽仍數米雨中集霰
初廉纖雪中更把來辭占辭今一粒不入土倘有些
小黃厭之春耕仰麥今無麥欲駟秧馬飢無策富人
露廩蠹如林償高少室山人素貪夫相時爲利謀耕
夫食力毋過求無求尚自豐凶憂更憂螟螣蠶與蝨
常平使者深長慮火蠶安知汲長孺開倉振粟勇不
疑救焚孰與先救飢

劉漫塘寄謝且興三詩屬宜興索印

醫俗無如退榮身豈俟官不知粗喜怒聊問竹平安

惡曲麾圓器希同卽異端十虛無四壁冷眼要人看
美政喧隣壤新詩致漫翁新聲能峭眇嘉實對清空
○劉有聯翩致嘉實多旨薦清空酒名 藥苦
終成交言甘恐害忠不逢丈人行爭識古人風
泳飛樓上吟記賞竹巖深鶴已幾番子棠仍千樹陰
名隨北斗上刻笑峴山沉獨欠巖翁些交游尚桂心
○錢竹巖報諸孤託求先友挽詩於劉之建泳飛閣
竹巖作記

長南雄之官口張文昌之子

一麾梅嶺下征旆踏春妍響鄭尚書履收王大令種
阜財昌國本裕食佐民天來歲花如雪芳枝記驛傳

薛藍田○此州

藍田新續記蓮幕又登賢次遲初潛地榮如利見年
熊飛占吉夢綵侍未華顛天子先成佛無庸綏著鞭
陪方江陰宗諭勸耕過宋景文基田次日得其
唐書草并侍郎詔

千騎精明振物華麥畦分處權籬斜山雖有盡春無
際李竟不言桃自花綠漲新添前夜雨青歸不減去
年畬酒盃弗醉劉伶土重爲斯文一歎嗟

君山弔古○春申君領客於此

桔足晶熒佩陸離無人從事一丸泥謀疎與國迷同
體恨逐東流竟噬臍俗好永懷兄弟遜金多盍媿斗

牛齊潮來只打君山脚渺々江空宇宙低

梁楷畫鍾馗并引鶴歸雲際攜琴過澗西三題

華清橫玉落梅愁不寤人謀蔽鬼謀白面書生名字

貴還如版築夢中求

喚起胎仙細問伊幾時華表柱頭歸一編玄草郁收

拾種玉田東伴米薇

不是忘彈闕古音怕人誤賞玷琴心雲西六六峰前

去桂壁梧桐稿弗瘖

楊園四題

草薰薰木欣欣海棠昨日隨雨零牡丹欲放金紫新

餘芳各自爭鮮明小圃日涉不日成品分日署月且

評是家當年駕盧駱祖烈亭之相博約振陋鉏荒十

畝餘坐看鳶飛與魚躍奇奇怪怪幻玲瓏白白紅紅

相雜錯小亭人間日月長更拓曾中小丘壑○叢茂

亭

涼白紅酣起香從靜勝聞虹梁雖可跨龍液不須焚

天作池中底風成水上文倚檻閑意緒只與月平分

○風香亭

漸斷垣頽井不移秀盤古色尚依稀興亡千載誰相

委華表柱頭丁令威○盤秀亭在禹城內古井上

直從平地蠹雀鬼南向羣山斗次來盡此半春留客

醉莫愁一日不花開水從綠野前頭遠竹向芳菲缺

處裁目送斷湯天外去問它更是幾時回
環翠臺

燕歸

舊巢新補盡梁西
趁得蘭塘雨後泥
莫憶年年歸去路
屢樓高處海雲低

三月二十日

笑買長江惜語離
苦留春到五更時
怕傷懷似陽關別
何似悠然睡莫知

北碚詩集卷第八

聞盤隱府判換

兩考在官當有俸
三年待次已無餘
驥雖暫展淹州佐
鵠欲成行盍內除
湖上玄猿嗟宿草
帳中丹頂喜新雛
青冥脚脚平如砥
浩蕩滄江興弗疎
○公有馴猿瘞江上

次韻謝盤隱府判

秋簷去年約
夜色正中旬
月墮水中影
沙明鏡裡人
杜鵑移樹怨
蝙蝠抵簾嗔
誰報明朝喜
燈花剪之春
王守除本路倉使

把茆著在深雲裡
亦有殘畬近水邊
不作山人沽善

價更饕司業養廉錢皇華未遠難爲別勅駟嫌高鼎
足怜來歲小團新錫賚從公酌第四橋泉

周氏小閣漫堂名之曰燕超

蜂孀蜜脾香將雛燕子忙種萍翻盡絮蕃稻浸成秧
梅子雨初溽蘋花風未涼卯金天祿閣芳墨浩淋浪

蜀葵滿庭

鬢綴薰風舞袂涼依稀五竺飯空王未哦玉唾三千
偈先列金釵十二行桂殿冷滋分素潔魏家新紫擬
芬芳華林錦綉連銅雀葉葉傾斜背太陽

立秋日贈竹隣陳上舍

秋夏纔空事征輪勇欲飛有詩上行卷無地扣吟扉

梅雪玲瓏瘦瓜藤蔓蕤肥戾鯖易充悅不似北山薇

搗藥禽

大藥何年竊得盡廣寒去伴月長生至今弱羽沾餘
瀝猶作當時杵臼聲

嘯雲

月下悠然洞杳微弗諧琴筑與埙篪不知林谷鷓鴣
響何似南陽抱膝時

貧女觀音

雪藕銖衣不自珍人間絲枲謾紛紜何如小白花山
上別剪彤霞與白雲

茂書記歸閩

出嶺新吟問老鉅丹青費盡笑無塩
碯陰雪立寒更盡纔識元戎玉帳嚴
淡學梅花不受粧醋嫌脂澤綴詞章
漢粧更在青山外留得華風管暗香

苕溪新上人石窗

大白巖空夜弗扃好風不約滿疏櫺
舊題寂寞無人管散作苕溪水上雲

顧寺薄雲伯挽章

黃巖二松下別調聽新吟尋說五羊去
寄聲雙鯉沈班空華玉笋弦絕斷文琴
宿草春重綠傷心日更深
施當涂東洲見寄

騷吟富名流東洲敏風雨小低纈綸手
聯作石鼎語真龍得人畏况復射真虎
妖蹤與怪跡三舍函避去出如一角麟
貴若五色羽不然六月息扶搖快搏舉

長興趙可齋辟揚州別駕

清俯箸溪流裴回水上樓同心獨陳檜
別乘半揚州斗酌江分暝輪空月碾秋
瓊花難驛寄花露記珍投漫塘名陳內
幾小齋日能止

莫關殺與亟峭絕青錯磨可無濟勝具
振衣披峨峨更復游呂梁虎眼漩作渦
堂堂濟深涉如此忠信何游子聽我語
審聽毋媿嬰通都橫九達平平非仄頗
並駕方崢嶸輻輳糾駢羅嗜進弗知了
十步九跌蹉

何如反吾轅自少不目多怡然事天全盍然毓天和
勸真安故林歸雲仍中阿曉猿時自吟好鳥時自歌
涼樹坐茂密醉石眼坡陀何須鶉奔奔靜勝超凡科
國香旖旎賈林扉依約華風變雅遲寫出一莖三四
粵絮毫零灑冷涵滋
小試涼薰四月初芳心曾不與春疎是中可托焦憂
地看睡鴛鴦傍母雛

缸因蕙萱

瑞香

譜上先題五老名官袍雲錦舊爲隣萃風似惜詩人
老一樣裁成紫綺新

月丹

展樣山茶染不如官黃齊燃牡丹鬚不忤宿雨曦晴
露玉袖垂紅護絳襦

曹提舉榮上

鄉也纔聆聲咳聲暗中摸索認輪因故家大雅元戎
老詞學清流使節新直指大門標俗子莫嫌高賈著
山人紫荷琳館君諸父說頃斯賢不賦頻

顏提舉之官

蘭陵曾頌隣州政除却龔黃總不如又似澄江千尺
練只傳哂巷一編書坐令季子昌遷俗盡道丹山更
好雛老我林泉散樗櫟守愚終不興賢疎

贈日本國僧順侍者

粟散王都藐莫知星分棋布海中泚三韓未遠須重
譯九土雖中共秉彛但見神僧巍跨水弗聞君子陋
居夷由余季札高千古更復區之無蹠爲

葛仙遷居圖

欲問丹砂不定居絕憐岫嶮令君踈弗教雞犬蜚騰
去猶看隨行挂角書

陳刑書問近况

孤風晉東土宿望魯靈光跡恨川林阻精馳斫席傍
環中樞待轉水上玉生涼一點華風在看之動八荒
萬卉競春新孤芳見老成鬪高紛曉蝶通巧響喬鶯

山染眉津綠湘澄眼采明東山謝安石深意在蒼生

洪衡史

川林色色味講明不識更化云胡更或云鄉來立伏
馬畫然勇作朝陽鳴邕之逸響猶在耳寵以官名只
三字晉人謾煮水銀銀妄其鎡銖相比類衮之玉言
獨超絕盤詰丁寧古無別眼兩腰重不自榮問向高
堂一簪雪只今又上四緊頭準擬釣夫侍冕旒彈壓
風煙看制勝取之左右皆相應

黃薔薇

凶風一綫度晴熏晚韻繁香態度新新壓屠蘇湛華
玉古壺斜挿淺浮春

舟中

物華雨後各矜晴紅得晴多綠便爭未與東風寫懷
抱綿蠻已作送春聲

蘇叔黨所作蘭

風雅傳衣到小坡筆頭分外得春多佩寒帳冷空遺
恨澹寫狐芳續九歌

雲山道人榴桃橙橘戲墨

造化工夫竟屬誰墨花豈恨子生遲海榴不與山桃
約趁得橙黃橘綠時

次陳中書木犀韻

一枝開月藥萬粟蛻風埃我欲乘風去君須綠月來

降真當換骨甲第合班梅藪_マ都吹了分香到綠苔

酬寧國陳中書勸耕

深間禪扉未扣關先將鸞尾掃層巒貴於步屨狂工
部健勝遊山老謝安靜裡韶華天宇大笑中耆艾酒
尊寬獨餘繾綣林泉思更爲山紅小倚闌

包氏臥虎圖

猿臂將軍死弗侯發機白甲巧拱酬不逢肉醉眠山
路敢羽空嗟老下頭

上人得元暉活法

微抹岑樓不見尖澹迷川閣不蜚簷一從蒙上声瀕
雲收後活法知誰付阿廉

破琴行

軫折徽殘弦索亂貼壁綠空暗塵滿歷聲爆得黑髮
皺蛇腹庚之成百斷巽痕孰辨質與真古已往矣思
古人木雖就橋擊不槁老龍弗吟誰解聽得時鄭衛
嘈雜鳴泯黠韶濩瘠咸英南風不競愠若醒林林俚
耳安知此還天滿地浮俗子還我知音子鍾子

李帥新創溪山真趣

動者智之幾惟仁與靜空天開真箇畫誰識自然詩
水與雲相友鷗馴鷺不疑終南磯捷徑存耳怕聞知

大洞

纔入膚生粟炎之伏暑前凹中元有路處處豈無天

待扣鐘非簾將崩石架缸蜿蜒冊熟寐我欲慶豐年
○石鐘石缸皆洞中物

續王黃州四皓贈荅

遮得冥之真誰云漢網寬劫謀飛隼疾克愛拔川難
梳恐懸中斷孟從覆處安不如甘嫂罵莫受子房謾
白眼看隆準悠然見屈伸奇功羈弗處峻節退無隣
用則王非伯潛嗟漢不純雖亡秦日月猶是避秦人
用前送行韻寄趙編修可齋

爍石與金流懷人眺晚樓忽聞提健筆喜似得神州
○是日得三京稻粒不多日凶䟽相吹秋只
分千里月木李不中投

寄盤隱府判

閒把新抽粉節題疾邪字之賦心思溺非袖手無遺
援虐是專門忍助爲口疏中云助虐守爲虐山下
水流花盡處人間豕燎氣焦時盈虛消息還來復六
月扶搖豈遠而

祠山解后陳舒州

盍步花博草制書尚煩丐外替中除肯堂肯室五經
翰難弟難兄三鳳雛家學不逃鍾鼎貴野情弗與隱
淪疎乾坤肯負真宏博聊爲斯文發緒餘

伯時二馬

刀斗無聲首藉秋不知援臂未封侯尚堪汗滴沙場

血花結青絲恨絡頭

市駿爰從畫駿謀何如脫鞅縱驂騮青之許負
子不識驂騮只相牛

佛國白赴召劉侍郎無言與諸賢作供於報恩

題壁以紀傍有隆茂宗所作古木怪石

白也屢苴谿諸賢里挽攜金刀眷良集鐵畫粲芳題
神護藏書壁鴻留印爪泥阿隆霜幹老附並薄雲覓
狀元袁府判作詩贈王司理其略云簡川號工
詩只今在市郵試呼一問之參寥師執賢王索
荅酬以四十字

籍甚參寥子臨平破夏歸弗經人道語肯落箭鋒機

盤走珠無定泥沾絮不飛長公歸玉房千載賞音稀
送伊侍者歸嘉興

伊纔十二三便學善財參諱孌偏晨起忘眠聽夜談
阮貧居道北符學近城南已壯貧如我青之看出藍

古松下禪僧圖

眼明千載老風烟幽思悠然喜欲顛疑在浣花詩裡
見只無松子落僧前

米家平遠

樹豈無根瘦立雲疑有蒂慵飛好處不經人道一家
父子傳衣

聞曹侍郎訃言大博大孝

去酌孤山六一泉吟邀兩袖筵諸賢郎君拾芥登科
後老子懲姦去國前鬚自侍郎班裡白宮從天子學
甲聯半輪不死峨眉月還鄉滄浪闊處圓

寄真尚書

京索風煙一日還東山起了到西山應知雅量渾相
似默蘊沈機只等閑棋妙勝於淮上捷扇輕銘露管
中斑○公近作扇銘 其為天下蒼生賀小為蒼生
亦破顏

雪林李兄偕昌國長之官

潮漲家門雪無風亦震雷飽帆蜚百尺飢唇吐叢臺
綃展洪鮫室珠明剖蚌胎春城種花地冷帳小蓬萊

趙左廂再薦

勤苦佐豐軍成功只聽天聊揮數寸管不費一文錢
燈晝層簾剪楊曾百步穿宗藩大廷對可惜兩名先
多景樓

好山可是登臨少此地云胡應接多天自有初恢壯
觀人非無故轉悲歌煙取三面平開鏡雨後雙鬢對
綰螺欲辯南徐古徐話忍將名刻細摩抄

恨石

仄恨與孫儔安知恨易柔借州託強發歸妹叶奇謀
蜀相死猶勝晉宣生可偷吞吳恨如海微意似尊周
蒸山在江陰北湖西相傳是蒸豈伯喈基

身與東都孰重輕至今猶擅蒸山名四圍深塹方方
禁千古英詞凜生漢鼎已歸曹馬手胡笳猶播管
絃聲傳家更有柯亭竹曾作岐陽老鳳鳴

三高亭

雪灘祠三高高字累三子故夫二子者稟之元不死
西風動歸思不與歌散殊用則謀人國不用淪江湖
名節照勳庸人與秋容潔浩然天地中腫之湛華月

虎丘

門掩怕山移稜之塔填歌斷崖抽曉碧死草借春滋
地狹樓臺巧雲低屋跨危雨花臺上石不似點頭時

劔池

雲根無底竇或謂水通溟下瞰幾千尺高標第四名
鬼題孤獨字劒刃屬鏤精翠秀青殘處黃州舊勒銘

二月十五陳樞密席上

上苑春常早北海尊難老朝來清鏡中滿鏡朱顏好
心觀斗以南如此能幾翁秉彛固全德數量齊崆峒
坐寢淮南謀俯眎汲長孺廩然老精神折衝在尊俎
吟律行師嚴四海巖巖瞻莫袖春風手膾肉天下口

種楫

一枝春種水仙兄著子先調老菜羹鼎鉉工夫求近
効怕難得似黑衣卿

槃隱

考得幽棲地怡然勝羨除未歸已彭澤不夢亦華胥
綠繞清分遠紅稀碧間疎漁樵莫爭席不是野人居

秋壑

冷風在懷袖何必借商弦就下識天巧適安忘地偏
寒泓嫌雪暖秋草似春鮮見說蓬萊遠依稀拄杖前

秋壑親迎

龜筮從元吉征車慶禮成駸之近七夕脉之耿雙明
羽飲黃金的雪翻紫玉泓扇鸞蜚翰墨誰不解鄉之

王神童○侍郎孫

夙慧雖無帶抽萌便不凡蘭薰騰玉砌侯國薦冰銜
荷橐行須復牙籤儘療饑一經千佛字先把客兒攬

杜鵑花

染得深紅剪萬葩春歸獨自約韶華丁寧莫受西風
誤誤使人看頃刻花

丘監丞入新宅

朝日烏爰止東家喜可占○慧日東住 槐陰隨舊
砌柳色動新簷圖史雖添富田園僅養廉清才少閒
日那復久相淹

爲老僧化衣裨

浙瀝寒生齒苜池雪殘老藕不成絲老僧歲晚無衣
裨却遣靈均去問誰

木犀著雨

擬續小山吟庭犀漬弗禁再花仍剪十日苦泮
墮砌金難燥隨溝玉不沉安知廣寒殿幾日掃重陰

木犀得雨

宿翳開新霽繫枝耀淺黃還如醒滯思又似整殘粧
碎影仍多態晴天別是香坐分花下石句月薦深涼

舟中秋

樓外與樓頭無如一葉舟風輕隨月走江遠與天流
好是今霄滿新於曩日修水雲相汗漫襟袖獨颼颼
皓采通千隙寒芒洞六幽無枝空繞鵲有約不驚鷗
漢掌仍承露秦貂未換裘弗須占蚌腹已自壓江樓
欲放儀隣老長隨蟾兔游一手看晦朔終不似中秋

靈巖

巖崖蒼玉削四繞綠屏唯無港不相接有山如此稀
樹秋連石瘦雲晚截湖歸一點西風急遽蔭相趁飛
夫差避暑宮

楓橋夜泊

誰遣浦牢吼夜闌玉虫剪盡玉脂乾高山流水易爲
賞求賞此聲人獨難

書雲後三日遊致道觀

九日同遊柱史家野英羞澀未成花重來又是書雲

後剛德纜抽四日芽

酬鐘省元

東華肥馬塵雋游浩如海擇交如觀瀾滌濯百谷瀨
一瞬判清渾三舍避狷怪膝耻望塵金簪愧側冠
四三成朋曹千百繁行輩爬搔甚翎羽嘲者赴籠械
弗與衆接吟亦復遠分界知音丈人後有玉無善價
哦詩山月傾奏賦金馬待青錢不俟選白眼又焉浥
米筆雖暗投雪曲獲佳配朋來得分賞客去但獨對
鮮明雲錦囊名氏擅先載壇想陶謝登盟憶曹劉會
所交貴同德所贈勝雜佩一夔未鳴韶族庖已芒背
悲涼吊楚騷慨慷言齊薤寧方不爲卿至圓在其內

圓方為時中俱付形骸外三千風月篇紛 課誰敢

寄潼川東路李漕使

鄉來江西遊見公吟水陰博約劔津掾亦復吟正音
○時在利同理家同餌漕為新城薄 轉眼貼天高
再見無路尋把苑丹丘城謝家蘭玉森君家龍首兄
絳帳開沈沈○漕使兄狀元在謝丞相家作鱸 有
時過蕭寺借榻清風林笑我泉石痾示以膏盲針欲
彈廣陵散惜無中散琴欲上南陽疏不如梁甫吟琴
以歌南風吟以道古今一鳴才筆 忍見鳳鳥瘖
之垂景星坤維長照臨

小雪

入夜蕭蕭響聲消恰轉更僅能酬節序不足殄蝗螟
瓦縫何曾滿庭凹亦未乎窓疎燈欲死俱誤照書明

秋壑赴豫章倅

西山爽氣在眉睫不在悠然得句時髣髴長沙少年
樣清新瘦島晚唐詩全提韜略親分付半倚軒星看
設施笑指貂蟬舊時物日堦鉞出恐成遲

一陽生賀曹提舉

六陰纔伏便回春剛德潛隨君子生白日傳從黃道
正使星今傍紫微明冰霜不作三冬凍權量行歌一
道平湖上詩人望歸節御屏風上已題名

書菊圃屏蘭

欲騰天問此靈均九畹歸來活寫真采筆不知春去
後目芳元不爲無人

謝太守張都丞

三吳富且庶亦復多名流比屋衝棟書千斛銜尾舟
季子有遺烈列國古鮮儔人生五馬貴彈壓如此州
欲雨天作雲欲晴雲翳收幕府非無賢大田今有秋
不忍夫如何夙夜常軫憂稅畝濟楮幣濟鈔恐不周
剗剔雖刀餘豈若仁義優蔭富當在民富民用戾
迨邈及間架分毫相校雠陵遲必哀痛噬臍將誰尤
剗床既及膚民瘼何時廖公平小留聽母歛雙眉恪
唐虞有神筭禹臯相協謀芝蘭楨無遺杞梓畢見搜

四郊固多壘豈在一已羞何如緬如食緩帶姑小留
道聽懷好音後苑摘詞頭未解潁川組已覆黃金甌

題栢嶼水瘦屏

此妙伊誰得能名惜不聞痕收新漲水瘦宿暝歸雲
煙靄疑無墨是翳不亂群可堪擅毫素幽討盍平分

題趙生著色兩厖

向來爾祖在西都掌監同聞誦子虛直與吠堯羣類
別短屏寫影護琴書

贈婺女黃澹翁

掉牧羊鞭弗學仙十年不轉舊星躔儻無鄭廣文官
舍醒欠蘇同業須錢前席對床俚死火反騷續雅駘

清眠江湖事業掀天地豈在纍々六印邊

元霄晴呈倉使曹秘丞

元正霽雪卷陰機做得晴如此夕稀金齒新紅連夜
發王輪初夜碾雲飛漏隨冰泮生和暢海湧山來杳
峭巍莫把笙鏞駐麾節禁林樹々響催歸

苔梅

苔衣槁榦起枚條的皜生香韻更饒領袖鮮風高素
節精神華月凜清標冷看不若同疎幌煖熨何妨酌
癯瓢瞻望白雲天一角半々思遠寄迢々

足祭川亭觀梅

紫萼騰芳金燃鬚一花破白萬花踈若非參子黃昏

後應是華風邂逅初樓上略停橫玉手龍圖聊代故
人書潢流漫々無清影試淪山泉道石渠

酬洪朝奉

樓居八十行地仙兩腳踏土輕躔々飲如長鯨食如
虎老齒不搖金石堅年々正三二月天花間幽討醅
芳鮮要續李杜三千篇晚唐不足爭媿妍歸來醉臥
北窻下靜照無私觀物化孫枝生子又生孫鼎來慶
事前無聞堂中袞繡方爛々門前桃李長紛紛歛福
錫民天所祚吉德在躬如密付要看壽富享天然熏
陶六極熙々然

破山

兩雄用壯勒不回觸斷川脊青崔嵬挾風卷雨上方
去早火擊翻平地雷澗松盤拏俯魏跨鐵榦銅柯闢
雲鏘鮮風不斷瓔珞珠檜老枝腴亂零挂四老基田
樵牧踐莽堙藁寒無人剪振古芳塵玉象高印泥漬
爪霜鴻遠傳吟新扁皆珠璧雕梁雪壁昏題蹟水流
山空春晝長番令人憶讚公房

泣凝雲高士

晦朔憐朝菌誰云羽化非鼎芽靈液煖草露人陽晞
莫上揚州去須尋華表歸雲埋金粟路盡日鎖春霏

送寬堂赴南外判宗

教欲明南國無如小召公墳篋後先奏魯衛古今同

特操銀潢遠清班玉笋空洛陽潮雪外腳腳是華風

黃薔薇

紫透紅敷態度陳露葵生色借芳新春風便是黃金
屋蓋殺黃金屋裡人

芍藥

素瓊紅玉暈輕盈落落層層傍砌明大雅不收成謾
與定隨姿態熊昧脩名

喜雨美王長官

四月五月河港枯下田上田龜拆塗山湫劔沕龍光
闕一呼便爲蒼生起油然請命朝帝闈觸翻玉女洗
頭盆女從帝傍趣大笑紫金蛇掣瞰重昏田稚力死

皆返魂舳艦銜尾沙水渾扣如虛谷有逸響享以明德無繁文去年老瓦雞豚酒之酣說尹終在口屬聞今復辨多多更聽醉農新詠歌

竹巖名其弟別館曰山水窟

醉翁不在酒似與老坡盟同德裕仁智如君難弟兄可無經笥獵亦有管城耕喚起舊山賦清吟入細評

崔中書家藏關立本醉道士圖

頽簪墮髻鴻都叟愛酒如金叵常有有時得輒止奔鯨各開吞海訝豁口不辭一醉一千日千日芳鮮致無術臨風大呼劉伯倫欲分餘瀝沈濁溼伯倫拍浮酒缸裏不信人間有涇渭須臾酒醒騎馬歸雪精玄

犢顛倒騎半醒僮僕相扶攜鬼岸混瀕忘顛躋狂態百出弗自知畫手一笑盡得之如鏡鑄像尤出奇想當恁時百不理道德五千風過耳更復沈酣到六經六經古人糟粕耳

連月閔雨倚閣稅畝令下一夕大霽

謂是洪羊雨洪羊幾日烹天慳纔目破田稚忽更生漲溢重湖淥懼騰萬籟斂藏天下富無廩不當平

雨後復旱呼海嶼山龍決旬復大霽

龜田似大橫剛燥不容耕秧瘦無新思舟膠阻去程溽恩梅雨後寒厭麥秋晴旱魃方爲虐無容頃刻生久矣惟心禱呼龍徇物情均沾四郊足不負九推耕

蚌活沙頭脯鶯新雨後聲
婁豐斯在望老瓦醉秋成
續東野銅斗歌送平江張都承

拊斗咎虛籟和寡嗤笑多
得時朱離淫苟合終不和
悠然得遺響如得金叵羅
還汝金叵羅聽我銅斗歌
老我老銅斗可糝亦可糜
且云數瓶粟不飽亭午飢
層冰十萬錢剖蚌鬻鬢絲
宏功厚斯享毋使宏功賤
斗也賤者事拊擊諧吟謳
吟成襦袴歌謂尹當借白
尹如黃穎川又似韋蘇州
重臨亦不惡領略滄江鷗

觀破山池白藕花

欲看芬陀利攪涼曉入山
蟲且松露馥屨惜蘇文斑
蟄破淵靈去腥隨澗雨還
歌禽破幽寂深樹隱綿蠻

丙申六月二十六日作飄風行

疎櫛夜肅肅須臾復蕭蕭
怒穴土囊口倏若錢塘潮
舉屋如斷梗拔木如拔苗
破山老蒼髯深林古風標
蟠錯黃金園憂摩叢玉霄
九秋婁戰伯萬竅皆聲銷
拗折巢鶴頂擗折瀆虬腰
斷裂到臃腫更復論楚翹
閱世今幾何殞身不崇朝
遂使青童之不及紅夭夭
痛此梁棟具充它烹飪樵
多應蜚廉慵虐致生物妖
至今月蝕篇首惡當嘲調
因依獲附麗傲很仍矜驕
佳樹首見淩綠髮首見彫
易若涼解愠又令不鳴條
生春日酣人吹雪停瀟
之昌稷豐稊之珍莠除翹
之凶郊掃烽煙九天清沆
寥雲開鬱藍大觀關飛宮堯

群后靈在茲不日舜與堯願輟股肱佐下昌熙洽朝
天遠雲不來借便搏扶搖

既作飄風行十有七日風雨倍前乃賦後篇

夏首魃爲虐種楸喧岸車駸々六七月原野皆菁華
冉拜田祖賜熨帖海若冢大有課水耨小康占山畬
因依瞻江雲西北起礮車歸來省戶牖綢繆叟撐叉
步吏賦溝塹楛塞深撥杷大塊果噫欠天闊誰能遮
水立十丈湔吹沙復流沙江海尚若此奈此秔稌花
再駕纜浹旬怒很尤雄夸蒼擊挾霧霓谷應口訝谿
豈其發育初繼以肅殺加吹噓咸矢中刑賞仍過差
鄉來赤壁火萬艘沈碧涯鬼操逃天誅不勦殘賊芽

巽二死餘責噬臍徒咨嗟矯々水中龍浮碇千萬艘
尺筮答獨夫鼎足成一家至今說蜚廉慷慨徒拜嘉
云胡艱難際任暴相紛拏耕夫日懸々饑媪霜鬢々
欲刈爭淬鎌欲穫競整耒私償憂并吞官諭虞扑搨
妄興豐民天仰天號且呀及吹果何道身止心不瑕
饒々沸藹蕙靜默且無譁聰明弗遐棄試以置齒牙
千慮貴一得何必禁於麻更詰姬且鬼勿謂東山賒

寄王平江侍郎

在御無絃別有音音中逸響豈難尋一彈首警乘軒
貴萬古群空立仗瘖肆狡缺唇安夜穴憑妖九尾遠
城陰雙旌不駐夫差國誰振延陵季子心

浮俗伽梨水上萍池塘密之菽澄明疏開堂印邀麾
節袖出臺緘救劓黥才辨買山錢未了又營捩鼻木
隨行懸知不是緇雲福詎敢忘憂銜獨清

王侍守治生魂神徐提點

日月何私等照臨坦然明白洞幽陰其餘不信信諸
已所以無求求放心妖可擊蛇惟笏在河當娶婦遣
巫沈不知今夕復何夕起我懲姦誌怪吟

餞燕

去時不似來時好舊海棠叢錦檻低未必秋風便翻
幕樓空巢冷不堪棲
歌樓經雨損花枝魂斷無情日傳詩不啄阿京墳上

土地道天老總愁思

聞笛

天籟無聲地籟沈一轟千仞裂層陰腫之喚得關山
月不作離鸞別鴿吟
煖刀輕盈透鳳曆借商喚得老龍磨不知孤負秋多
少盍向坡翁謝不能

第三度風潮

風顛兩橫田爲陂沒頭禾穎靡予遺佃夫晚我謂我
語不德致此繫誰爲肉食標吾稼螟螣舊章僭亂民
螫蟄民不畏虎寧畏官汝遑卹我輸官難

垂虹中秋

晚來林屋仙鸞尾掃疎煙未歎騎鯨侶先遮下瀨舡
一規霜罔之萬頃玉漣之拈却明河詠收還金薤篇
鐵檠烏足擬石鼎弗

春風手清諧湘水絃

空書聊復爾風御已冷然傍晚晚休驚怪吟中別有天

十六夜月

今霄較些子猶自勝閒時圓缺有常守陰晴無定期
伊人紛好惡嫌鏡改矧強玉白藥長在霜蟾家不移
金波仍眩轉掌露儘華滋連璧何妨晚修輪莫問遲
纔逢桂殿冷便結庾樓知十事九違意浮生幾展眉
淵明十日菊蘇子一聯詩不是心如月安知月不虧

送趙左司

故園風物望歸遲趁得振黃橘綠時潮不失期惟自
信象非無膽愧頻移素知天定齊榮辱應有人嫌不
詭隨試問王家第七叔群山何似戴山奇

趙憲使席上

鄉來踏雪打水濱雪雲貼水一樣清老玉堂僊在江
上土色照耀梅花明亦有過庭一雙玉翠鸞矯之停
梧竹乃翁事業在太史天遺瓊笈響相續淪江以西
秋雨餘一道十九幾為魚懸釜併日相煦濡官憂輸
賦私憂租鮮明綉衣霄漢立終日講明荒政急只今
人命在盆底猶解倒懸端不啻

孤山石泉

改火煮冷之坡翁夢亦靈曉花雖滿鏡夜影不移星
疏石供茶鼎教誰續水經母來頻鑑止同渭不同涇

送泉南趙帥機赴湖南之辟

潭北湘南路迢々幾許遙十連開帥幕萬斛趁秋潮
地籟喧如市天漿旨在瓢典刑具前席以次應佳招

荆山劉成道語別

帆歸自浙西又是海棠時多壘爲誰耻六奇何處施
酒壺東向月心事北征詩長嘯萬松影傍觀萬戶棋

謝懷安州王守

一寸長淮一寸金金城千里障塵侵犬羊未識元戎
面廊廟先知國士心坐使春風牛掌握行孚大信控

喉襟夜嚴玉帳清如水小復輕裘緩帶吟

湖上送客

恰則春歸後分攜又一年繁生萍點之藕泛葉出之
濃綠草如染輕黃梅未傳出關錢有禁肯得百金甬

送朱監簿

纔解北歸驂鋒車又指南致身當重鎮掩耳謝空譚
山歛層之髮江平曲曲藍拈將桃柳恨留與退之參

書米元暉寫蘇黃秦贈元章詩卷後

南宮逸蹟直欲飛元祐諸老嘗品題新生之牘未易
控伸由來見孔子時紹興 天子紆宸思詔寫前

朝斷碑字鎮密中藏軒豁意鄉黨篇中見孔子坡仙

滑稽肆吟謔獨與黃泰細商略平原太守雖畫沙柳
豕新樣元和脚顏筋柳骨人不知有子夜半親傳衣
換鵝風味超凡調換羊更索坡仙笑

送徑山元書記歸池陽

又說池陽去先尋弄水亭且藏雙眼碧歸對九華青
栗梢霜纔穫雲房夜莫高有來無逸駕勒駕有山靈
○黃粟稻乃開山金地藏白高麗帶來

謝常州蒸提幹

蘭陵傳近信喜似得鄉音州篆六龍鼎門標齊斗金
故人仍道北逸興似川陰綠繞簷前水扁舟欲訪尋
郭教授自常州來得蒸提幹書

門丁通刺字道是小汾陽宅相有梅屋子衿森鴈行
蟾犀排麝馥魚蠹避芸香冷帳春風暖何時話對床

問天慶觀奚高士病○常州

蕙帳癯仙老因仍病日侵樓窻恰方丈策瘦甫逾尋
谷響呼頻應瓢虛捺不沈百年渾得醉不醉百年心

泊萬俟子紹書院

舍權吳松曲來尋獨冷盟誤聽對床雨喚作打蓬聲
漏緩更籌滴春從水驛生曉雲駝宿翳我欲趁新晴

風泊澱山

缸壓濤山碎風顛玉雪零未瞻孤塔影先乞小姑靈
汗漫開天險聰明在德馨丘之禱久矣爾自扣心扃

澱山寺在湖中

千港亂流歸天沈影弗畦遠疑浮玉小高步落星低
舊日潮潮雪新來罷水爭闌干憑月午一眼碧玻璃

別孫都倉

節制作鹹利悠然見設施工夫雖自小鼎鼎却相且
盤鷲鷗同適及瓜梅未知有書聞季父爲致別時思
如隱索賦雙悟

朝陽盤錯地分植在庭擇百尺廩雙操九包來幾時
孫枝雲雨上星履典刑垂莫遣雞鴈類頻來振羽儀

過周驥甫勉其教子

勿謂幽居弗自怡見成湖柳作盆池澱山只在虛簷

下又當山焦與水梳

勒儉工夫自足娛又將餘暇課兒書盍先樽節離脩
甫莫放春風冷帳虛

響山閣

有耳誣墻壁無聲謗瑟琴一機纜破敵何處弗知音
澹墨微茫古哀絲大闕沈天風號萬籟終始不曾瘖

過柳

問骨水驛夜迢迢之柳闊風微水不搖舡似井蓮花葉
小不禁吹鬢吟蕭蕭

北磻詩集卷策九

致爽梅移自崔中書後圃秋種冬花

根從鼎寶振華風春自宮堯直禁中與紫薇花分殿
最帶黃昏月尚朦朧玉堂踏雪司空慣金谷從他白
首同遙想樹梅如樹德小酬冰質洞玲瓏

觀物初瓶梅子析爲二其一奇而不怪其一怪
而不奇

的鑠同枝獨擅奇冲和分寸偶相違不尋別調酬清
婉橫玉聲中怨孰歸○奇而不怪

鶴膝岐分把瘦枝節拳支局老支離解嘲不入時宜
處只合儀刑月蝕詩○怪而不奇

湖上曉晴

彤霞煖照碧玻璃一點蜚光欲墮遲恰似峨眉山半
蠶紫堦羅霧時

寄唐察院

他日臺繡整難獨觀風旨弗他觀脩名夙振鴛鴦
序元服纜加獬豸冠已肆濁流隄袞更教華月振
團圓都人快靚青馬不作從前款段看

淵明畫像

司馬家兒曆數窮可能特地振孤蹤永懷東土清風
遠不把元嘉紀歲終

龔料院挽章

滌器笑和如呼兒誦子虛諸公方薦鸚仙寫已騎魚
臨餗俄翻鼎儲林未結廬只成幾望月無路問蟾蜍

錢中府葵憲挽章

仁者胡爲勇全師不足加一身百夫禦三世四王家
脩竹老彌勒甘棠春自花白華詩欲補有子振光華
謁趙倉使二十一韻

昔分淮東天河海幸潛濟悠不知遠僅一衣帶水
今茲一道惠列城洞明偉可望不可及弱水三萬里
山林日深宵躡蹕坎井底勇聞譽盛德半屬天下士
古調振騷雅時樣列駢儷苦語雜頌詠惡石必先著
在御必驍騰在治必精美謹於千慮失詎忍一得弃

豁呀浩如海就下拓涯淡朝夕不知了莫測方寸地
老我不足爲把酒冷雲際樓欠元龍臥門尋子雲倚
小振伽梨骨載整蒙茸刺高視藐豪放細意問奇字
倚門勿麾之我欲見君子况夫君子鄉疇曩屢游止
盖代品題手聲光動天地公平皆雋髦願聽星辰履
大雅儻可作鄭衛賴一洗

舟中絮

弱弄輕陰却又前析雲泝霧不成綿蘧篠破處隨風
入驀地因風又出船

陶窻

如在氣皇上都忘我是誰聞鐘還入寺無酒却攢眉

籬落西風晚琴

白晝遲千年續遺響側枕咎涼颼

羌村圖

河朔塵昏孰解紛零丁獨走不忌君麻鞋見了重曠
子還憶江東日暮雲

書先天秀鴈圖

舊隨燕之擅周詩海北天南却背馳惆悵同經弗同
里好懷長似燕差池

雲錦

十丈花如織酣之拓具區新於機上落勻似鏡中鋪
容與翠綃幌渥丹鈿粉膚越溪霞湛染楚夢玉專腴
隋棹新帆遠吳宮小隊殊綠歌繁雨盖碧間裹風蒲

句月清秋冷生涼暑書蘇天孫旌浦淑水帝展層廡
紅白香無別明光影可與蛻塵古君子具體小西湖
彷彿雖曾賦形容似按圖奚囊如可製闊剪貯陶珠

石罅水僊

緇雲淺拂觀中單蘇石蒙茸伴月寒欲與南枝分伯
仲爲兄恐自季方難

石罅蘭竹

篠叢疎薄總虚心傾國香葩闢石陰不是阿清幽思
苦屬誰泔墨寫蕭森

酬方司法一首

五字堪呈佛投珍頗惜哉湯火大雅後衮衮建安來

逸思屬萬象空庭步幾回海陵藕花暮已爲故人開

劉改之葬崑山寺下邑人不別葬處

凌煙不著老風騷劍刃深雲鐵未消撫欠張華眸子
碧寒芒十丈夜迢々
酒醉墳頭土易乾何如黃鶴斷磯船會看潮雪蕭荀
綠喚起長鯨快吸川

書嚮禪師開山石壁

虎馴上倚藤枝細把興亡問嚮師千柱已隨煙焰
燼何如表剎未開時

雨後

若火無蹤鴈有聲雨纔戰伯八絃清西風帆落崑山

晚隱之青岑玉色明

中秋月

月是尋常月云胡迴鮮潔老火日就燧盡掃羣陰屑
三萬頃天秋作底連天灝氣清如水金波炫轉光流
斷團之易若初學眉玉虹跨水腰百圍翩然飛佩湖
雲低尺筆緩把單于答且復鞭虹隨月飛月中先枝
少年日老蟾老兔曾相識鏡裡功名兩鬢青却碾冰
輪洞八絃

送王侍郎改除二首并引○其審時急老成蘇
雖輔那不足以觀展布得界大任允濟生入輒
采襦歌見諸狂斐一過電矚幸逾萬萬

闔閭春秋城風煙侯時振乾坤不改色民物見天定
因仍古道漓靡然隨俗移中流屹頽瀾萬冰皆東之
沈機靜弗譁澄湛物斯格和煦生點之陽春蘇頌之
翻之不容駐宣化思盟主問之何因爾去留有常數
真宰知何心惜闕如惜金天慳不容破大不為佞士
我知真宰心暫適滄洲趣恐比復偶然還須濟川具
又

泉石豈不好老我泉石心可無鷦鷯枝來傍威鳳林
鳳芳千仞翮覽德斯下臨青冥叢玉霄洞視潛伏深
槍榆六月息其聽朝陽吟梧桐生朝陽老幹無層陰
夕靄聯晨霏涼入薰風琴扣弦借清商千里秋沈人

鄉來朝晰聲不復沸金鬚卷舌絕音響泯默如病瘡
米羽仍嚶之善類還惜人醴泉與竹實報効杏萁尋
且復事頌禱聳德齊巍岑詞藻苦羞澀憂擊非球璣
行爲王者瑞九成儀韶音

華亭明行院

二女岡邊寺樓臺舊鬱峨近郊聞梵放陸地出芬陀
大福雖營刹中原 戈煙塵絕淮海熨帖看鯨波

雨龍祠

魃奚爲旱虐亟問海嶠龍山吐四夏月樓敲三疊鐘
天應怜獨苦年亦豈終凶霹靂轟平地霧然足四封
熱甚

四壁除遮障炎風似熾爐汗隨停扇滴氣逐激冰蘇
銷暑露寒殿歸仁扇暍圖一盃槐葉冷誰致錦屠蘇

賀湖州太守劉石司

輔郡殊非列郡同樓居閣著水晶官膽嘗故壘煙塵
外心在清流湛染中看不足山歸賦詠發無餘蘊到
鴻濛華陽壁記多名輩先爲蘇家述長公

送陳時齋赴湖北憲辟

與元龍別河梁五字詩多君堅素守交臂得深知
憶過鴈回處 當梅放時驛馳行卷外更寄向南枝
倫間雲偕時齋行

諾重黃金俗倫名與布齊不情山可改定見水難西

七澤雲生硯千江月透犀寄聲種桃者且在武陵溪

趙大卿歸自四明

玉輪碾秋旻一印印百川分光落涇渭湛漆尤澄鮮
素冕當清流似喜清流賢冰漸鑿伊洛支脉逮澗瀍
悠之涵萬象問大洞九淵可照濁水源豈異投前漣
涇也自由渾月也虧仍囑各不改故常亦復無黨偏
不知夫如何竟爲渾者獯天高杳難問此理何時宣

中秋無月寄吳侍郎

塵燧老火豁瑤空誰遣雲生桂殿東未必清明如五
馬故令霧霍洗岳虹涼燈薦喜占晨霽渴稼懷新樂
歲豐遙想半輪秋未老腫之襟袖振華屋

送王常熟左藏二首

常

難於子產初有田皆可井無港不容瑠

龍斷家安業問

讀書山語出林童處之樂樵魚

志士殊超俗平常不作奇到官如去日歸橐似來時
尚友皆名世公流逮武夷由來清操別端的畏人知

送趙知丞

或謂公當去人誰不喟然獨清非銜俗衆醜自憎妍
華月終能滿蒼蠅弗足扇滔之五絃水千里其芳鮮

善權修造訖事

林表煥丹碧化出一段奇鄉者未始見今也其誰爲
金錫來自閩津跡纔止茲跨門懷往昔視篆恢宏規

所立志先定志定山弗移苦心志艱勤佇思常委蛇
復道行半天雲影低四岳叢玉坐上天白花水中砥
兩忘深且高旁列崇與卑天人既交際物我咸熙怡
殿以舍空王空王壘兩眉長恐屋打頭東柱西防墮
稜層加峭峙柱礎莫仄歆彫零古象設一一皆新之
瓊屑與滅裂整頓靡子遺淒涼佛前燈蘭膏添滿而
明光號無盡安知無盡時咨爾北川密爾吾無學見
易如然此燈千花開不蒸鬱密暝雲蔽浩蕩剛風吹
剛風吹不滅相配天陽熙

寄趙左司可齋

橙露薦華滋江干記語離斷虹收雨後風馬駕潮時

夢喜登門婁書慙去翼遲橙今還可剪浩蕩鄉來思
讀曹侍郎去國表

立持橐孰非榮未若江頭一葦輕失侶鴛鴻空悵
望喜歸鷗鷺必將迎雍容譚笑不但已去就始終如
此明疏似南陽出師表盡傾肝鬲寫生平

寄江東運使唐察院

勳業可曾看曉鏡垂虹回首鑑澄波明鮮巨惜隨時
染腹眩其如變證何舌在未忘輸謁之邊離聊復辨
多多驕嘶只識瑤池路仗下如何噤得他

齋高秘閣過訪二子侍

黑胡曉來乾鵲響晴蒼西游佳氣作秋

爽東 列星應夜占雙玉佩聲隨步武老人躔度動
沈潛豈惟蕭寺生晶色白叟黃童亦快瞻

破山夜集

出戶天疑雪幡然雨滴簷未飛盈尺霰先失半規蟾
寫壁催更盡銜放我夜嚴却須重刻燭囊粟剪纖云

次丘監丞破山夜集并纖字韻

領客能官樣鴛鴻戢翼隨題無流處葉續有醉時詩
聽雨思歸者尋梅且已之小池疏積淤何必賦盆池
擬把南枝雪簪坡醉帽簷袖春如有脚鑑水影無蟾
米筆吟方勇長城令更嚴僧房雖冷落簡古發穠纖
萬竹疎兄伯仲相過

伯頃曾奏雅仲氏又同參眼白難爲俗衫青定出籃
綴虫燈剪葦談塵鼎分三寂寞空山曙無從駐兩驂

送王梁山

置書學劍漫遊畋百萬樗枿一擲先結客締交南蕩
寺買花載酒後湖船三邊百險常單騎五馬雙旌才
十年莫作揚州貴人樣堦鉞更解出貂蟬

謝喬丞相

神樞卓絕當環中物物虛應無終窮萃風一點妙堦
埴精神千里看折衝判然經濟歸詳鍊有若星光繞
檀篆崎嶇詰曲到無餘冷地靜分千緒亂空山觸蠻
亦云慘山鬼陸梁僧願頌施及無求益見真惠當適

用偏多感千古柘提成再造。招提誤當作柘提。
百粉直慙醺不了。垣傍紫微何處。祝道場山頂。何山
麓。

題丘使君竹坡

人間苦炎熱。君家窻戶涼。人間苦埃壒。君家如瀟湘。
入門洞真趣。繞戶皆篔簹。華月節碎金。鮮風戛叢琅。
初疑低地碧。忽觀拂雲長。特立側挺終弗僵。
弗延醉名流。以著鳳凰帝。草時自芬。時自芳。
歌鳥時自新。風玉時自鏘。枯榆與老柳。莫蔓夫子墻。
墻固不在高。賜也不足方。市聲碎三舍。苔痕寬一方。
衡斜露頭角。扶疎嚴奧堂。涼薰入冰弦。古軫橫石床。

悠然於此時。物我各兩忘。孰辨榮與跖。更說羲與皇。
無人小種花。長恐負艷陽。我則異於是。無復相較量。
藏春在懷袖。不使蜂蝶狂。願結虛心友。晚節同蒼蒼。
宿化度

烈日燉雲僦。一單曲肱聊復謝。輕紉夢。不復疑蝴蝶。
蝶疑是蟾枝。宿席寒。

宿天目山西淨行寺

有水有石。又有竹竹裡。僧窻皆面山。沆瀣弗勝和玉。
屑可能來隱碧孱顏。

送吳侍郎婺州之官

坤維日望虜塵消。鴛存坤珍壓大僚。持橐愛兄同洪

從牧羊友第並僊鑣清流未漲雙溪碧浮俗先傳五
榜謫八詠斷弦如可續爲君折葦度秋潮

送吳尚書温州之官

纜指金華餞阿連永嘉迂吏復聯翩東藩等是二千
石此樂已無三百年學士卽真尤鮮儷使君獨立恐
難先孺雲倘借鮮風便容與東西刺史天

詩也者人之情性也因感觸而生初不問庸夫賤隸
若人人可能也而一爲聖人所取列之六經乎千萬
古則曰爲此詩者其知道乎又曰不學詩無以言若
爾詩豈但止乎禮義乎吁其亦難矣其流爲騷爲選
爲唐律體制世變然其所以爲情性則一也以此不
經聖刪以故各立一家以自是也吾釋偈頌據彼之
方有祇夜者焉有伽陀者焉昔人曰偈或偈佗義梵
音之訛略也按梁僧史羅什語慧睿曰天竺國俗甚
重文製其宮商體韻以入絃爲善凡見佛觀王詠歌
功德經中偈頌皆其式也但改梵爲秦失其藻蔚傳
譯大意以詔后世有如嚼飯與人非特失味乃令嘔

賦也什輒製偈贈沙門法和云心山育明德流薰萬
由延哀鸞孤桐上清音滿九天此土之偈濫觴于此
白爾以降達磨對楊銜之作偈以至汾陽雪竇或古
或律偈頌獨盛于吾門向所謂情性之本發爲玄言
竒唱蓋詩律特其寓也耳鄉睦菴云詩而非詩乃此
也然然之后學不本宗猷肆筆而成全無羞愧如峨
峴鷓鴣臭十倍隱之何其多耶至若黃龍之由有沒二
字服其妙密則蓋寡矣其末流甚者聞云秋雲秋水
其依依則云此詩也聞云倒騎佛殿上天台則云此
頌也欲不笑而得乎夫內無所得語言惟貴則雖咸
也三百首金薤千萬篇竟何補於吾道之萬一耶此

礪老子從涵養醞藉之中獲超然自得之妙雖文字
之縛脫筆墨之畛畦文章鉅公與交則寂寥乎短章
春容乎大篇謂之詩也亦得初子與酬唱則痛快過
乎捧喝之用事謂之頌也亦得與夫休已島可之徒
雕肝鏤腎抽黃對白以詩著名者不亦邈乎絲此云
之謂舍吾佛祖之道而到詩之妙處則吾不信焉古
巖峨公盡將北礪平生文字儼工鉸木不終而遽爾
其徒周楨書記善卒先志峨長崎之子世稱名家視
其所瞻可以知其人焉

廉安中 孟春下澣雲水僧祖應記

湖神降公

時寶永三年亥中秋

植丘

常備

